



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinæ, 1603

Martyrivm S. Cassiani, Brixinensis Episcopi: ex Aurelio Prudentio; qui eiusdem acta, præclaro conscripsit carmine. Extat apud V. P. L. Surium.

urn:nbn:de:hbz:466:1-42728

*Vide Not. C.
Baron. in
martyr. Ro-
man.*

MARTYRIVM S. CASSIANI, BRIXINENSIS Episcopi: ex Aurelio Prudentio; qui eiusdem acta, praeclaro conscripsit carmine. Extat apud V. P. L. Surium.

13. Augu.

*Imbuit Imo-
la teneros
pueros literis
& discipli-
nis.*

CASSIANVS Brixinensis antistes, cum è sede sua pulsus, Romam iter instituisset, Imolam veniens, visum est ibidem sedè figere: ac teneros puerorum animos literis ac disciplinis imbueret. Cum verò eodem tempore tempestas persecutionis vehementer saureret, & Christi cultores ad Iudicis tribunalia vbiq; abriperet, fuit & B. Cassianus in medium productus: quod impia sacra cum persecutoribus colere recusasset. A quo cum esset quaesitum, quid artis aut officij exerceret, responsum est, quod pueros & moribus & literis erudiret. Tunc persecutor, quem spreuerat, præcipiti animi furore accensus, tradidit eum pueris, quos castigando in se exasperauerat, diris excarnificandum supplicijs: quamuis siquidem vtilia sint scientiæ bona, dura tamen semper solent esse infantia, quæ inprimis ab omni labore & molestia abhorret.

*Traditur
pueris S. E-
piscopus ex-
carnificandus.*

Igitur Cassianus vestibibus spoliatus, & manibus post tergum arctissimè reuinctis, agmini puerorum stylis armato laniandus statuitur; ut ij acriores à magistro poenas expeterent, qui ægrius illius disciplinas antea pertulerant. Itaque in faciem & ad caput magistri, tabulæ & buxa cerata franguntur, & præacutis stylis confessor Christi nunc foditur, nunc cæcatur; & alijs summa vulnera, alijs altiora figentibus, dum leuiores manus grauiore fiunt, morte dilata;

*Arox sup-
plicium.*

dilatata, humili confessor voce precabatur, vt essent viribus fortiores, & annos virtute transcenderent, vt ætatis infirmitatem suppleret sæua crudelitas; & se velocitas amaritudine mortis absolueret. Sed illi non contenti sola feritate tortoris, sic magistri sui vulneribus illudebant; Tu armasti manus nostras, & ferrum hoc, quod gerimus, tu donasti. Duriores reddimus, quàm sensimus, plagas, & in te distractionem, accepta libertate, punimus. Tandem pius Deus Martyris sui tormenta miseratus, mortis vincula dissoluit, & per venas totius corporis sanguis effusus, piam animam Creatori suo reddidit.

MARTYRIVM S. HIPPOLYTI MILITIS, quo coronatus est Anno saluatoris 261. *Vale-
ria: & Gal: Imp: 7. Ex ijs quæ extant apud V. P. L. Surium in vita S. Laurentij.*

Vide 2. Tom. Annal. C. Baron. & Not. in martyr. Roman. 13. Aug.

HIPPOLITVS cum sacratissimū S. Laurentij corpus, eximia cum pietate, multisque lachrymis ac gemitibus, adiuuante Iustino Presbytero sepulturæ mandasset, domum suam reuersus, allata secum altaris mysteria seruis & ancillis comunicauit; cumque strata iam mensa accumbere vellet, subito militum insidijs oppressus, vinctusque catenis ad Imperatorem ductus est. Qui à Tyranno illico veste, quæ Christianam religionem profitebatur, expoliatus, dijs sacrificare iussus est. At Hippolytus constans deorum contemptor, Ego, inquit, Christianus sum: nec dijs sacrifico. Eo responso frequenter repetito vehementer irritatus Tyrannus, primò os eius lapidibus

Olim in Ecclesia vrgente persecutione, non tantum Clericis, sed & Laicis concessum fuit Eucharistiã domũ deferre. Vide de eo Annales Ecclesiastici. cos Baronij tomo primo.